

Mekana Yibate yi Piyer ketima

Yo ndi sendi Piyer, mo tomun Yesus *Krist kete mekana mete yoko. Yo mekana yibate yi nye ketima kenje Beyuden bete be yensama temo tiko ke yi Krist baka.

Mekana maka jeki lero meyasi mete yi ta kwanja ke ngimo te yi mboko ta be ke ke siynate ke. Yo ke bojna budiyate ne mekana yibate yi Pol ketima kenje Timote ke. Mekana maka ke lero nde, bekriten lon dyambi ne beya tedya yasi te yi ti wula ke Kim Tom te yi Yesus Krist ke. Bekriten yakanawe jona nda yi Yesus Krist kwadye ke.

Wuse yakama baka mekana maka ke mengabiye yitan:

1. Kim Tom te yi kriten yakanawe be no ke jongwe dyene ke (kumte 1).
2. Kasi yensa yotu te yi Krist yensama no ke to keki ke (Mt 17) (kumte 1).
3. Yasi te yi botu be punja melipi me Njambiye lepima ne mbombu ke ba gbakasi (kumte 1).
4. Bekriten diy ne soso ne nyangwe botu be tedya kotu melipi (kumte 2-3).
5. Kasi njena Krist metu yibate ne kasi *Yeso te yene (kumte 3).

¹ Yo mi Simeyɔŋ Piyer ketɛ mɛkana maka. Mi bala Yesus Krist, mi sendi mɔ tomun wɛnɛ. Mi kɛti mɛkana mɛtɛ kɛnjɛ wunɛ botu bɛtɛ bɛ tikɛ temɔ kɛ yi Yesus Krist baka. A kelma nde, wunɛ bɛki nɛ kiya kpasa tikina temɔ kɛ yɛnɛ nda yusu botu bɛ tomun bɛnɛ, ketɔ a kɛl yasi nɛ ŋgbɛŋ suŋgwɛ nɛ bɔmɔ hɛnɛ. Yesus Krist tɛ, nyɛ Njambiyɛ, nyɛ sendi Mɔ tɛ ɛ jɔŋgwɛ wusɛ. ² Nɔgikwa nɛ tɛtɛ bɔy bɔyɔ pɛlɛ wunɛ wulɛ kɛ nje duwɔ Njambiyɛ nɛ Yesus tɛ Nyangwɛ Kumande wusu.

Kasi kimɔ jɔŋgwɛ tɛ yi kritɛn

yâkangwɛ bɛ nɔ kɛ

³ Yo nde, nyangwɛ ŋɔŋɔgudɔyɛ Njambiyɛ nya wusɛ mɛyasi hɛnɛ tɛ yi yakama kamɛ wusɛ kɛ jɔŋgwɛ dɔyusu yi kelɔ mesay nyɛ Njambiyɛ. Yo kɛlnama dɛtɛ nɛ nje duwɔ mɔ tɛ ɛ jɛbama wusɛ, nɛ nje mɛluksa mɛnɛ, nɛ nje kɛlna kimɔ yasi nɛ kɔ. ⁴ Nɛ nje tɛ yitɛ Njambiyɛ nya wusɛ kpasa nyangwɛ mɛyasi mɛtɛ yi kwanɔma mɛyasi hɛnɛ. Yo mɛyasi mɛtɛ yi nyɛ kpoma nɛ mbɔmbu nde, a ta nyɛ wusɛ kɛ. A kelma dɛtɛ, nɛ wunɛ nje bɛ faŋ bɔnɔ bɛnɛ yi bɔŋna nɛ nyɛ yi bɛ nɛ jɔŋgwɛ tɛ yi kpo nɛ kpo. A kwadɔya kelɔ dɛtɛ ketɔ yun, botu bɛtɛ bɛ ma sɔŋɛ temɔ nɛ kpandan kɛ bɛya bɔru mɛyasi mɛ mɛnɛti maka yi wulɛ kɛ bɛya mɛwɔbɔ kɛ. ⁵ Ma ketɔ tɛ yitɛ, nda wunɛ kɛ tikɔ temɔ ndana kɛ yi Yesus kɛ, wunɛ sɔŋ sendi nje hɛnɛ tɛ yi jɔŋna nɛ tɛ, kelɔ kimɔ yasi. Ma ŋgɛ bɛ nde, wunɛ mɛ kɛ jɔŋna nɛ tɛ, kelɔ kimɔ yasi, nɛ wunɛ sɔŋ sendi nje tɛ yi bɛ nɛ kpasa dɔyanɔ tɛ yi duwɛ mɛyasi. ⁶ Nɔgɛ wunɛ si bɛ nɛ dɔyanɔ tɛ yi duwɛ

meyasi dɛte, nè wunɛ sâŋ sendi nje te yi biye temɔ yun ke meyasi hɛnɛ. Kɛ kɔŋte, nè wunɛ sâŋ sendi nje te yi kelɔ yasi nɛ tiŋ. Ndana, nè wunɛ sâŋ sendi nje te yi kelɔ meyasi nɛ ŋgbenŋ nda yi Njambiye kwadyɛ. ⁷ Kɛ kɔŋte yite, nè wunɛ sâŋ nje te yi kwadyɛ bɛmanŋ bun, sɔ sendi nje te yi bɛ nɛ temɔ mɛkwadya sunɔwɛ nɛ bɔmɔ hɛnɛ. ⁸ Ma ŋgɛ meyasi mɛnɔri hɛnɛ bɛŋna ke jɔŋwɛ dɔyun, ŋgɛ yo buye kɛ nɔ mbɔmbu, ko yo tí kelɔ nde, wunɛ kpôku mɛbɔ, ho kelɔ nde, mɛsay mun gwâki mɛsɛŋgɛ na. Yasi wɛtɛ, yo ta kelɔ nde, wunɛ kpâl nje duwɛ Nyangwɛ Kumande wusu Yesu Krist kimɔ duwɛtɛ kɛ nɔ mbɔmbu. ⁹ Ma yasi wɛtɛ, ŋgɛ meyasi mɛnɔri ti bɛŋna ke jɔŋwɛ mumɔ na, mɔ te nda mɔ dɛbina misi, a yeti ke bɛŋna nɛ ŋgɛlɛlɛ na. A ke lɛŋsa nde, Njambiye ma pupudɔye nyɛ ke mɛbɛyɔ mɛte yi nyɛ dɛkima jɔŋna kɛte nɛ mbɔmbu kɛ. ¹⁰ Wunɛ nɔŋ, dɛte nda yi Njambiye jɛbama wunɛ tokɛ wunɛ kɛ, wunɛ nyêki sosu sɔ nje te yi tɛdɛyɛ gbate nde, Njambiye kelma nɛ wunɛ dɛte. Wunɛ sâŋ nje te yi tɛdɛyɛ dɛte kwɔ yi mbɔmbu. Ŋgɛ wunɛ keɛ dɛte kɛ nɔ mbɔmbu, ko wunɛ tí balɔ wɛtɛ yesɔ na. ¹¹ Ŋgɛ wunɛ keɛ gba dɛte, Njambiye ta bɛtɛ numɛy tikɔ nɛ lonŋ nyɛ wunɛ, né wunɛ nyinŋ kɛ *Kandɔ Nyangwɛ Kumande wusu Yesu Krist, nyɛ mɔ te ɛ jɔŋwɛ wusɛ kɔ. Kandɔ te ta dɛiyɔ kpo nɛ kpo.

¹² Nda yo dɛte kɛ, mi ta kɛ mbɔmbu yí gba dɔyanɔ dɔyun kpo nɛ kpo, né wunɛ taki meyasi mɛte, ko bɛkɔ nde, wunɛ sima duwɛ yo. Mi ta kelɔ sendi dɛte, ko nde, wunɛ mɛ jelnate

ne ngbingim ke meyasi me Njambiyε te yi bo tedya wune ké. ¹³ Ko dete, ngimɔ hene te yi mi ndi ke kε mbombu yí jonna ke meneti maka, mi bεna kimote nde, mi kēn mbombu yí gba dyanɔ dyan ke meyasi mete, né wune diy mejemsidyε. ¹⁴ Keto mi duwɔ nde, ngimɔ duwe mbe ke meneti maka sima wuta. Yo yasi te yi Nyangwe Kumande wusu Yesus Krist tedya mi. ¹⁵ Ma mi ta sɔ menje hene nde, ko nde, mi gwâki, wune bēki ne deti te yi take meyasi mete menngimɔ hene ke kon mbe.

¹⁶ Ma ne mbombu, wuse lepima kasi ngungudye Nyangwe Kumande wusu Yesus Krist nye wune, lepɔ sendi nde, a ta kala nje. Ke yite wuse ti bεngwe gbela mekanɔ mete yi bomɔ diki kusɔ ndi ne dyanɔ dyan ké na. Wuse lepima dete nye wune, keto wuse bεnma nyangwe meluksa mene ne gba misi musu. ¹⁷ Yo nde, Da Njambiyε te ε ne meluksa kwɔ meyasi hene ko sombila nye, bese nye kome nye betima men wule dyobo lepɔ nye nye nde: <Yoko monmbe, sɔn temɔ mbe. Temɔ mbe hene ke yotu ne.> ¹⁸ Men yinɔri, wuse ne nguru wusu wokuma yo wule dyobo ke ngimɔ te yi sine be Kumande Yesus bɔ ke to keki te yi Njambiyε tokuma tapita kete ko. ¹⁹ Dete, yo ke kelɔ nde, wuse jêki tiko temɔ ndana ne ngbik ke melepi mete yi botu be punja melepi me Njambiyε lepima ké kwɔ yi mbombu. Wune ke kelɔ kimote yi lengwe metɔ wokɔ ne melepi mete. Yo nda lambo te yi paniye mejasi ke mbey kome yitil diyε ké. Wune kēl dete kumɔ kome misi nje ne bey bey ké, kumɔ

kome sisɔ te ε pane ne kpalele ke njenameno ko ta kande pannate ke moy metemo mun. ²⁰ Wune ke kelo kimote dete yi duwe nde: Ke meyasi hene te yi botu be punja melepi me Njambiyε lepima keto ke mekana mene ke, kine mumo wete ne wete yakama nembe biye to te wule ke dyanɔ dyene ne nguru wene na. ²¹ Keto kome botu be punja melepi me Njambiyε dikima lepina ke, ko yo ti wule mbanja yeso ke yasi te yi bo ne nguru wan kwadye ke na. Yasi wete, yo Kimɔ Sisij kpale kelo nde, bo lepi ndi yasi te yi wule ke numbu Njambiyε ke.

2

Kasi botu be punja kotu melepi

¹ Ma banja botu be punja melepi me ja ba sendi mbombu ke moy kando Isarayel. Dete sendi, yo ta be ne banja botu be tedya kotu meyasi ke njoka yun. Bo ta kwa ne membɔle yi tedye wune yiɲa beya meyasi mete yi ta kelo nde, bomɔ yambila. Bo ta kelo dete, ko seɲe Yesus Krist te Sa Mboko wusu, mo te ε kolma bo kwey ko. Dete, bo ne nguru wan ta kelo nde, semo semo, Njambiyε girisa bo. ² Budya bomɔ ta nye to ke sap sap jongwe nda bo, o beɲa, bomɔ ma nje lepɔ lepi gbutu sunɲwe ne nje te yi gbakasi keto yan. ³ Botu be tedya kotu meyasi baka diy ndi goruna meyasi me beso. Dete, bo ta sebile wune ne yiɲa melepi mete yi wule ke dyanɔ dyan ne nguru wan yi bu ne meyasi ke mebo mun. Ma yasi wete, Njambiyε ma kiko peso nde, a ta jose bo, a me ne lende yi girise bo.

4 Ko ðejaki ðete ðe kelma mebeyo kwey ðaka, Njambiyè tì gwe ñgwete wan na. A kwabima ðo jombile ðete kenje ke hebebe gbonjo ndon. A ndadya ðo ke moy yitil mate yí ladye ne ñgimò te yi nye ta peso josi yan ké. 5 Ko botu ðe meneti maka ðe jonnama ke metu me njime, kelo ða meto sungwè ne nye ðaka, a tì tike sendi ðo ne ñgwete na. A kelma nde, mbenj mêmikwe ðeya botu ðete. Yasi wete, a jonjwa ndi bomò yitan jo yiba, yitan jo yitatite ne Noy. Yo nye ðikima pele nye bomò nde, ðo jónnanjwe ne ñgbenj nda yi Njambiyè kwadye ké. 6 Ko *Sodom nè *Gomor, Njambiyè josuma medya mete girise yo lodye yo ne ðite ne ñgito, ðukwe ndi mesu ne mesu. A kelma ðete yí kite ne botu ðete ðe ta nje jadye ke kante kelo ðeya yasi ðaka. 7 Yo ða ne mbanja mbam nde Lot. A ða ñgbenj mumò. A ðikima wo yotu jaba keto ðeya sap sap jonjwe te yi ðeya kotu botu ðe medya mete ðikima jonna kete ké. E Njambiyè jonjwe ndi nye nyepò ke kemiye yinori. 8 Yo nde, nye e ðikima kelo meyasi ne ñgbenj ko ðikima jonna ke njoka yan. Dete, metu hene a ðikima ðenje woko ðeya meyasi mete yi ðo ðikima kelo kine ðenjwe membonja ké. E nye ðiki wo yotu keto te, keto a ða ñgbenj mumò. 9 Ma ñge ðe nde, meyasi kwanjama ðete, yo ke tedye nde, Baba Mboko ke duwe gbate nje te yi nye yakama jonjwe ne botu ðete ðe kambe nye ðaka sonje ke moy mebone. A ke duwe sendi nda yi nye ndadye ne botu ðete ðe kele yasi kotute yí ladye tedye ðo mebone kome nye ta peso josi yan ké. 10 A ta jeko tedye mebone

yasi. ¹⁶ Yasi wete, ε Njambiyε βama ne nye, keto a t̃i kwadye wokuna ne nye na. Yo nde, nyamɔ nde tofu ε ti lépi numbu bomɔ kɔ lépina ma nye nye ne numbu te yi bomɔ yí petɔ ne mɔ punja mɛlépi mε Njambiyε kɔ ke βeya lem yasi te yi nye βɔ ke kwadye kelo ké.

¹⁷ Botu βaka βe tedye kɔtu mɛyasi βaka nda mɛngɛ mɛte yi ne kutu kutu kinε mɔrɔku ké. Bo nda mɛkulutu mɛte yi pupɔ wumbidyε kenje womaɲa kinε nde, mbiyɔ nɔku ké. Njambiyε kombila mbey te yi bo ta díyɔ kete ké ke mɔy yitil ne gir. ¹⁸ Yo nde, bo lépinaɲgwe yí dɔkwe ne yotu yan. Yasi te yi bo lépe ké yeti ke kame mumɔ yaɲa na. Dete, bo ke lébiye botu βete βe dúwɔ ndana ndana ke njoka botu βete βe joɲna kɔtute kinε duwe Njambiyε βaka ne nje kelna βeya sap sap joɲgwe te yi yotu mumɔ gɔre ké. ¹⁹ Bo lépi nye βari nde: <Wunε tí βε se βebala na.> Ase nde, bo ne ɲguru wan βebala mɛyasi mɛte yi βekidyε mumɔ ké. Keto ɲge yiɲa yasi name joɲgwe mumɔ, mɔ te mε bala yasi te. ²⁰ Baɲa bomɔ sima tumɔ kɔɲ tiko βeya mɛyasi mε mɛnɛti maka, keto bo nɲa duwe Nyangwe Kumande wusu Yesu Krist, Mɔ te ε joɲgwe wuse kɔ. Yasi wete, ɲge bo nje yɔkwe sendi ne kɔkɔ nye bo kete tiko nde, mɛyasi mɛte nâm bo wolo, yite yo ta siyɔ ne bo βeyate. Komete, teri yan ta nje βε βeyate kwɔ yiri yi bo díyma kete ke ɲgimɔ te yi bo t̃i pa duwe Yesu Krist ne mbɔmbu ké. ²¹ Keto bo má díy kinε duwe nje kelna yasi ne ɲgben ɲa, ma yite laɲma βε kimɔte ke yan, laɲsa nde, bo síki duwe yo nje tiko kelna yasi te

yi Njambiyε kombila lepɔ nye bo kε. ²² Ma yasi te yi bo sanƙwama nɔ kε yakama ne jɔy ne meƙano maka yiƙa yi lepe nde: <Mbiye ke yɔkwε ne kɔkɔ kε dƳe yasi te yi nye sima jo kε.> Sendi: <Bo wεya ηgo, a ke kpalo yɔkwε ne kɔkɔ kε ɓiŋgila ke mesɔpɔ.>

3

Nyaŋgwe Kumande ta kala nje

¹ Wune njɔŋ, wune sɔŋ temɔ mbe, meƙana yibate yi mi kete kenje wune kε. Ke meƙana mete hene yiƙa, mi ke gba dƳano dƳun, nε wune kε mbɔmbu take meyasi mete yi wune sima duwe kε. Mi kεl dƳete yί jeme ne wune, nε wune taki meyasi mete kimɔte ne ηgben dƳano. ² Mi ke kwadƳe nde, wune t̄aka meyasi mete yi pupuna botu be punja meɓepi me Njambiyε kandima lepɔ ne mbɔmbu kε. Sendi, mi ke kwadƳe nde, wune t̄aka yasi te yi Nyaŋgwe Kumande, nye Mɔ te ε joŋgwe wuse ko dƳikima lepɔ kε. A kwanƳya meyasi mete hene nye wune ne nje botu be tomun bene be nye tomma kenje wune baka. ³ Nyaŋgwe yasi te yi wune k̄anda duwe kε, yo nde, ke metu mete yi kε nɔ ke siyna mbokɔ, ɓaŋa botu be serka ta nje, nε bo nje serke wune. Bo ta joŋna kelɔ meyasi nda yi temɔ yan kwadƳe. ⁴ Bo ta lepɔ nde: <'A ti ma lεpi nde, a ta kala nje, ma yo ɓa we? Ma kandε ne yi besanmbambo busu ma gwaki nɔ kumɔ muka meyasi hene ndi dƳete nda yi Njambiyε ma kusu ne yo kε.> ⁵ Ma botu baka be lepe dƳete baka ke kelɔ nda bo ke lensa yiŋa yasi. Yo nde, ne mbɔmbu ne mbɔmbu, yo

lepi te yi punduma ke numbu Njambiyε ké kuse d̄yob̄o nè meneti. A lepinama d̄ete yí kus̄o ne meneti wule ke m̄or̄oku yí b̄ake ne meneti bene m̄or̄oku. ⁶ Yo ndi sendi ne nje te yite yi Njambiyε girisa ne mbok̄o te ε mb̄ombu komε nyangwe mben̄ d̄yan̄ma memiyε ndinḡele mbok̄o hene ké. ⁷ Kwey, yo ndi lepi te yi punduma ke numbu ne ké kuse d̄yob̄o nè meneti. Ma yo ndi kiya lepi te lepe nde, a ke kom̄o d̄yob̄o nè meneti te yi wuse b̄en̄e ndana ké yí lad̄ye girise yo ne nḡito ke d̄ite. A ta girise yo komε nye ta p̄es̄o j̄osi, girise sendi botu b̄ete b̄e kele d̄a met̄o sun̄gwe ne nye b̄aka.

⁸ Ma wune nj̄on̄, wune s̄on̄ tem̄o mbe, yo ne yasi wete, wune tí lens̄angwe yo na. Yo nde, ke yi Baba Mbok̄o, yes̄o wete ndi nda m̄esew tomay wete. Ko m̄esew tomay wete ndi sendi nda yes̄o wete ke misi mene. ⁹ Bāna bom̄o táka nde, Baba Mbok̄o kél yasi ne kite kite kine kel̄o yasi te yi nye si kpo ké ned̄o na. Yeti d̄ete na, yasi wete, yo nde, a ne gbisa, a ke k̄è mb̄ombu yí gbis̄o wune, keto a yeti ke kwadye nde, mum̄o wete ne wete ȳambila na. A kp̄al kwadye nde, bom̄o hene d̄ol̄ nje te yi yēnsa tem̄o tik̄o m̄ebeȳo man.

¹⁰ Ndi nde, *Yes̄o te yi Baba Mbok̄o ta nje kete ké ta nḡbake wuse nḡbaka nda m̄o gūb̄o. Yes̄o te, d̄yob̄o ta kw̄a yambile ne b̄eya nyangwe med̄un̄. Meyasi mete yi d̄iyε ke kwey ké ta lol̄o kusiye yambile. Meneti nè meyasi mete yi d̄iyε kete ké ta lol̄o ne nḡito kw̄a yambile. ¹¹ Ma nda meyasi mete hene ta si yambile d̄ete ké, wune ȳakan̄gwe jon̄na b̄a nan? 'Yo yeti ka nde, wune j̄on̄nan̄gwe pupunate nda botu b̄e Njambiyε,

kelo sendi meyasi nda yi Njambiyε kwadyε kε na? ¹² Wunε jōnnaŋgwe dεte yί ladiye nε d̄yob̄o te yi Njambiyε ta j̄ose nε botu bε meneti maka kε, kelo sendi dεte yί nye nε sosu, yί s̄a nje te yi kelo nde, d̄yob̄o te d̄yân̄ n̄edo. Yeso te d̄yob̄o ta lol̄o kusiyε yambile. Meyasi mete yi d̄iyε ke kwey kε ta lol̄o nε nḡito kusiyε. ¹³ Ko dεte, Njambiyε kpoma nye wuse nde, a ta kuso j̄onja d̄yob̄o n̄e j̄onja meneti. Ke j̄onja mboko te ete, meyasi ta kelna ndi nε nḡben̄ nda yi Njambiyε kwadyε kε. Wuse d̄iy su ndana ladiye meyasi men̄ori.

¹⁴ Wunε nj̄on̄, wunε s̄on̄ tem̄o mbe, nda yo dεte kε, kome wunε d̄iyε ndana yί ladiye meyasi mete kε, wunε nȳeki sosu s̄a nje nde, Yesus Krist nj̄aki kwed̄ya wunε kine m̄ono b̄eya yaŋa na. A kw̄ed̄yaŋgwe wunε kine m̄ono b̄eya yasi te yi Njambiyε yakama ndeye wunε kete na, kwed̄ya sendi wunε nε tem̄o nε t̄e. ¹⁵ Wunε d̄ukwe kim̄ote nde, yo gbisa te yi Nyangwe Kumande wusu bε n̄o sun̄gwe nε bom̄o kε j̄ongwe bo. Maŋ wusu Pol, s̄on̄ tem̄o su ketima sendi dεte kenje wunε. A ketima yo nε d̄yano te yi Njambiyε nya nye kε. ¹⁶ A tapitama kete nda yi nye d̄iki keto ke mekana mene hene kome nye lepina ke kasi meyasi men̄ori kε. Yo nε yiŋa membey d̄etinate gbate ke moy te yi mum̄o ti yaka biye to te n̄edo na. Baŋa bom̄o yeti ke kumo duwe yasi na, bo t̄i pa tiko tem̄o nε nḡbik ke yi Njambiyε na. Bo ke woko nembε membey mete kotute. Bo ke kelo sendi dεte nε bukwe mekana me Njambiyε te yiri hene. Yasi te yi bo kele dεte kε ta kelo nde, bo ȳambila.

¹⁷ Wune njon, wune son temo mbe, nda he kandima si lepɔ meyasi mete nye wune ké, wune dɔy ne soso kè nɔ mbombu, kambɔ botu baka be jate ke beya nje, keto bo yeti ke beɲgwe yasi te yi Njambiyɛ kwadɔye ké, me nje jatidɔye wune ke beya nje yan kelɔ nde, wune bál kinɛ tiko se temo ne ɲgbik ke yi Njambiyɛ na. ¹⁸ Ma ndi nde, wune dɔku dɔko kè nɔ mbombu ke moy ɲgikwa te yi Nyangwe Kumande wusu Yesu Krist kele ne wuse ké nè ke moy duwà ne. Nye mo te ε jonɲwe wuse ko. A bɛki ne luksa kumɔ ke yeso te ε ta dɔyɔ kpo ne kpo, *amen.

Μελεπι με Njambye Jonja Mbon
Kako: Μελεπι με Njambye Jonja Mbon New
Testament
Le Nouveau Testament en langue kako (kako-est)
Cameroun et RCA

copyright © 1999 Wycliffe Bible Translators, Inc.

Language: (Kako)

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 21 Feb 2024 from source
files dated 29 Jan 2022

01d5712f-3809-5574-9928-b20d539536e3